

“SALOMATLIK” POYEZDINING AHOLI SALOMATLIGIDA TUTGAN O‘RNI

<https://doi.org/10.5281/zenodo.10464202>

Shahobiddin Daripov

*CAMU-xalqaro tibbiyot universiteti
mustaqil izlanuvchisi*

Fayzullo Qodirov

*CAMU-xalqaro tibbiyot universiteti
Tibbiy ekologiya fani o‘qituvchisi*

Annotatsiya

Mazkur maqolada asosan O‘zbekiston Respublikasida sog‘liqni saqlash sohasida olib borilayotgan islohatlarning rivojlanishida “Salomatlik” poezlarining o‘rni haqida so‘z boradi. Ayniqsa, bugungi kunda tibbiyot sohasini o‘sishida bu soha vakillarining alohida o‘rni borligi ta’kidlangan.

Kalit so‘zlar

O‘zbekiston temir yo‘llari, sog‘lom avlod, qishloq vrachlik punktlari, poyezdlar xavfsizligi, bepul tibbiy xizmat, tibbiy muammolar, markaziy polikli-nika, bolalar shifoxonasi, tibbiy-ko‘rik, “Salomatlik” poyezdi.

Аннотация

В данной статье преимущественно говорится о роли стихотворений «Здоровье» в развитии реформы здравоохранения в Республике Узбекистан. Было отмечено, что представителям этой области сегодня принадлежит особая роль в развитии медицинской сферы.

Ключевые слова

Железные дороги Узбекистана, здоровое поколение, сельские врачебные пункты, безопасность поездов, бесплатное медицинское обслуживание, проблемы медицины, центральная поликлиника, детская больница, медицинский осмотр, поезд «Здоровье».

Annotatsion

This article mainly talks about the role of "Health" poems in the development of health care reforms in the Republic of Uzbekistan. It was noted that the representatives of this field have a special role in the growth of the medical field today.

Key words

Railways of Uzbekistan, healthy generation, rural medical centers, train safety, free medical service, medical problems, central polyclinic, children's hospital, medical examination, "Health" train .

Mamlakatimizda aholi salomatligi, ayniqsa, sogʻlom avlodni tarbiyalash va voyaga yetkazish borasida amalga oshirilgan keng koʻlamli ishlar tahsinga loyiq. Oʻzbekiston Respublikasi Prezidentining 2022-yil 25-apreldagi PQ-215-son qaroriga asosan yurtimizning olis chekka qishloq, tumanlarida ham qishloq vrachlik punktlari, tibbiyot muassasalari barpo etilib, mavjudlari qayta taʼmirlanib, zamonaviy tibbiy asbob-uskunalar bilan jihozlanayotgani, mutaxassis shifokorlarning malakasini oshirishda zamon talablari darajasida yondashilayotgani el salomatligiga kamarbasta, gʻamxoʻr hukumatimizning yuksak eʼtibori, olib borilayotgan koʻlami keng islohotlarning samarasidir. Bu borada Oʻzbekiston temir yoʻllarida ham talaygina ishlar amalga oshirilib, kamchiliklar bartaraf etilmoqda.

Oʻzbekistan temir yoʻllari oʻzining sogʻliqni saqlash tizimiga ega boʻlib, mamlakatning turli burchaklarini qamrab olgan poʻlat magistral xodimlariga tibbiy xizmat koʻrsatish, poyezdlar xavfsizligini tibbiy jihatdan taʼminlash borasida bir asrlikdan ziyod tarixga va boy anʼanalarga ega tarmoq hisoblanadi.

“Oʻzbekiston temir yoʻllari” DAK bilan hamkorlikda yurtimizning ekologik jihatdan noqulay, chekka hududlariga yoʻnaltirilgan “Salomatlik” poyezdi bilan bogʻliq tadbirlarning muntazam tashkil etilayotgani, aholining insonparvarlik yordamlari, bepul tibbiy xizmat bilan qamrab olinayotgani xayrli ishlar samarasining nechogʻli yuksak ekanidan dalolatdir.

Oʻzbekistan temir yoʻllarining sogʻliqni saqlash sohasi 100 yildan ziyod tarixga ega. Temir yoʻllar qurilishi bilan birga tibbiy muammolar ham hal etilgan.

“Oʻzbekistan temir yoʻllari” Davlat-aksiyadorlik temiryoʻl kompaniyasining tuzilishi bilan temir yoʻl sogʻliqni saqlash tizimi bosqichma-bosqich qayta tashkil etila boshlandi.

Toshkentda markaziy klinik shifoxona, markaziy poliklinika, bolalar shifoxonasi, «Salomatlik» tibbiy-sanitariya yordami poyezdi, temiryoʻl qon quyish stansiyasi, sanʼepidstansiya, Xovos, Qoʻqon, Andijon, Samarqand, Buxoro, Qarshi, Termiz, Urganch, Xoʻjayli stansiyalarida birlashgan shifoxonalar faoliyat olib boradi. Har bir shifoxonaning oʻz stasionar va poliklinika boʻlimlari mavjud.

2003-yilda tashkil etilgan “Salomatlik” poyezdi olis hududlardagi stansiyalarning temiryoʻlchilariga yordam koʻrsatadi. Poyezd jadval boʻyicha, shifokorlik xizmati buyrugʻi bilan shoshilinch ravishda yoʻlga chiqadi.

Yil boshidan buyon "Salomatlik" tibbiy-sanitariya poyezdining shifokorlari uzluksiz ravishda safarlarda boʻlib, 33817 nafar aholiga beminnat yordam koʻrsatishdi. Qoraqalpogʻistonning Jasliq, Buzauboy, Miskin, Toʻrtkoʻl hududlarida, Buxoro zaminining Uchquduq, Konimex, Tinchlik, Qizilquduq va

Kara-Kata liniyasida yashovchi temiryo'lichilar va oila a'zolari, qariya va nogironlar, yosh bolalar tibbiy ko'rikdan o'tkazilib, davolanishga muhtojlari poytaxtga keltirildi.

"Sog'lom ona va bola yili" Davlat dasturi doirasida bir qator ijobiy ishlar amalga oshirildi. "Salomatlik" tibbiy-sanitariya poyezdi orqali sayyor tibbiy ko'rik tashkil etilib, Respublikamizning tabiiy iqlim sharoiti og'ir bo'lgan chekka hududlarida yashovchi 1075 nafar pensioner, 164 nafar nogiron, 2554 nafar xotin - qiz va 1600 nafar bola, jami 9966 nafar aholi tibbiy ko'rikdan o'tkazildi.

Statistik ma'lumotlarga qaraganda bir yilning o'zida 3646 shaxsga 21655 marta maslahat berildi, ya'ni o'rtacha har bir odam 5,9 marta turli iqtisodagi shifokorlar ko'rigidan o'tdi. Bundan tashqari, 1508 marta flyuorografiya suratga tushirildi, 2110 marta laboratoriya tahlili o'tkazildi, 290 marta elektrokardiogramma qo'yildi.

2000-yildan chekka va ekologik jihatdan noqulay hududlariga 19 marotaba "Salomatlik" poyezdining safari uyushtirildi. Mazkur tadbirlar doirasida aholi "O'zbekiston temir yo'llari" davlat aksionerlik kompaniyasining "Salomatlik poyezdi" tibbiy-ijtimoiy patronaj birgadasi shifokorlari tomonidan chuqurlashtirilgan tibbiy-ko'rikdan o'tkazildi.

Bugunga qadar poyezd faoliyati davomida 62 248 nafar aholi tibbiy ko'rik bilan qamrab olingan.

"Salomatlik" poyezdi mutaxassislarining o'z oldilaridagi muhim vazifalaridan biri tibbiy-ko'rik bilan bir davrda aholi orasida tibbiy madaniyatni oshirish, sog'lom turmush tarzini targ'ib etish borasida ham keng tushuntirish ishlarini olib borish, sog'lomlashtirilishi zarur bo'lgan fuqarolarga davolanish muassasalariga yo'llanmalar berish hamda safarlar davomida ijtimoiy himoyaga muhtoj oilalar, nogironlar va yolg'iz keksalar holidan xabar olinib, muruvvat yordamlari manzilli yetkazib berishdan iboratdir. Kelgusida "Salomatlik" poyezdlari tibbiyot sohasini yanada rivojlanishida tibbiyot oliygohlarining o'rni beqiyosdir.

FOYDALANILGAN ADABIYOTLAR RO'YXATI:

- 1.O'zbekiston Respublikasi Prezidenti Shavkat Mirziyoyevning 2022-yil 25-apreldagi PQ-215-son qarori.
2. O'zbekiston temir yo'llari maxsus jurnali. Toshkent, 2003.
3. O'zbekiston temiryo'lichilari va transport quruvchilari kasaba uyushmasi maxsus jurnali. Toshkent, 2009.
- 4.O'zbekiston temiryo'lichilari va transport quruvchilari kasaba uyushmasi maxsus jurnali. Toshkent, 2015.

5. "Sog'lom avlod" gazetasi. № 16-son. 23.04.2013.
6. "Temir yo'lchi" gazetasi. № 45-son 08.11.2007.
7. "Temir yo'lchi" gazetasi. № 3-son 19.01.2017.
8. www.uzrailway.uz